



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

VII.

**urn:nbn:de:hbz:466:1-11903**

varent, decretum est. Negotio confecto Cæsari, quæ sint acta, quæ decreta, Legati referunt. \* Is † Imperii legibus conformia iudicavit, & auctoritate Cæsarea rata voluit.

Legatorum discessum duo secuta, † quæ Rempublicam concusserunt : Litem de electione Tribunorum, & Quæstorum plebis indecisam reliquerant, cumq; plebs sua voce istos edicere vellet, præterea in decernendo Magistratu decem vota præ-

tenderet, Curia nullum admitteret, evenit novi Senatûs electionem impediri, & continuari per annos, quem Legati dixerant. Prorogatae dignitates invidiam, æmulationem parere, murmurare cives, obloqui etiam illi, qui pro curia prius steterant : perpetuari potestates, quas anno popularis libertas definiverit. Fuere, qui odia civium in Moguntinos hinc inflarent; intrusisse in Senatûm sua mancipia, trahi occultis artibus horum imperium, ut per eos libertatem opprimerent. Res aliud dixit, quippe ipse is Senatus, mandata, quæ à Legatis acceperat, contempsit; Regalia, superioritatem Electoris pluribus modis violavit, ac quod alterû erat, decretas preces imperare præconibus suis neglexit.

\* Cæsar † his ut mederetur, ab Electore imploratus, per Legatos cognoscit. Consiliarios Joannem Philippum Bonnum, & Emmericum, qui nuper aderat, mittit,

T

ut &amp;

\* MDCLII.

*A Legatis acta Cæsari probat.*

VII.

*Uteriorum dissensionis semina.*

\* MDCLIV

*Nova Cæsarea commissio.*

ut & Electori sua jura, & quietem Reipublicæ restituerent : Adventant Legati, & divisam in studia Civitatem reperiunt, scilicet dispersi communitatis focii quo longius progrediuntur, minus conveniunt. Revocandos ergo civium & curiæ impetus censuere, ac quoniam contentiosa Tribunorum, ac Senatûs electio mala fermentabat, prima ei medela definita. Audite partes, & interponentibus se Legatis sic transactum est : † Triduo ante diem S. Barbaræ jam olim Tribunorum electioni sacram, Quaternionum, Suburbicorum, Tribuumque Magistros Quatuorviri convocarent, † successorum electionem indicerent, magistri cives colligerent, vota singulorum, quos Tribunos plebis vellent, rogarent, ac chartæ fideliter inscripta supremo plebis Tribuno in Curia offerrent, is Consules ad electionis solennitates invitaret, cunctos de fide in Rempublicam de eligendis ex iis, quos cives nominarunt, Tribunis plebis, qui fide, constantia, honestate, opibus ei muneri pares essent, hortaretur, ad hæc omnia jurejurando adstringeret. Posthæc assumptis tribus Magistris vota civium numeraret, tres, qui plura tulissent, ultimæ electioni publicè proponeret. Ex his ipsi Quatuorviri Consules, tribules, duobus & quinquaginta votis pro veniente anno supremum plebi Tribunum proclamarent : Eadem in quæstorum plebis electione servarentur.

Resta-

*Supra jure  
eligendi  
transigitur.*

*Qualiter  
Quatuorviri  
eligendi?*

Restabat \* † de legendo Senatu litigium, quod itidem partium placito compōlitum est: Consules ac Tribuni electionem senatūs Quaternionibus ac Tribulibus annuntiarent, hi octo personas ex communitate, majoribus & minoribus Opificibus ablegarent, qui nomine Civium actui interessent, si quid adversus electos haberent, submissè proponerent.

† His compositis veterem obedientiam tot ex legibus, tot pactis debitam Moguntini petiēre, præsertim preces ex confessione civium, ex re judicata debitas non persolvi conquesti sunt. Senatus ut primum Legati advenerant: pro felici tractatum successu preces decreverat, hoc in obsequii fidem allegat. Moguntini non se petere, nec decretum esse, ut pro negotiis, sed pro Domino oraretur, reponunt, fraudulenter hac in re senatum versari Legatis probant; preces eas ex plurimorum testium assertionibus ante motus solitas, & à rota Communitate nuper oblatas fuisse. Legati inspectis actis negotium ex testium effatis, & Civium confessione decisum inveniunt. † Proinde ut pro Electore oraretur, denuò imperant.

Processit ad electionem quatuorvirorum communitas, & ad supremum Tribunal evectus à lætante plebe Volcmarus Limprechtus † antea plebejus Quæstor, & prius scholarum magister. Primum invidia incitamentum repentini honores fuē-

\* MDCLV.  
*Qualiter Senatus?*

## VIII.

*Moguntinè  
decretas preces  
urgēt.*

*Legati denuò  
imperant.*

## IX.

*Limprechtus I. Quatuorvir eligitur.*